


**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Taon XLI Blg. 11
Hunyo 7, 2010
www.philippinerevolution.net

Editoryal

Papel ng US sa pagluluklok at paghahari ni Aquino



Malaki ang naging interes at papel ng imperyalismong US sa nagdaang reaksyunaryong eleksyon sa bansa. Nanghimasok ito nang husto upang maging “kapani-paniwala” ang resulta ng eleksyon at maiupo sa poder si Benigno “Noynoy” Aquino III. Asahang sasandal nang husto ang bagong pinunong tuta sa kapangyarihan ng US laluna’t mahina ang tuntungan niya sa poder. Kapalit nito ang ibayong panghimasok sa pulitika at militar ng US, ang paglaki ng papel nito sa kontra-rebolusyon at pagsasakatuparan ng mga idinidikta nitong patakaran sa pinansya at ekonomya.

Tulad sa iba pang malakolonya nito, may mahaba nang kasaysayan ang pakikialam ng US sa eleksyon at pulitika ng Pilipinas. Partikular na itinuring ng US na krusyal ang nakaraang eleksyon para sa istabilidad ng naghaharing sistema at mga interes nito sa bansa sa harap ng pagbayo rito ng matinding krisis. Nais ng US na magsilbi ang eleksyong 2010 sa pagkontrol at pagpapahupa ng sumisidhing tunggalian ng mga nagriribalang pangkat ng mga naghaharing uri. Kinasangkapan din ito upang mapahupa ang patuloy na lumalawak na pagkadismaya at paglaban ng mamamayan sa naghaharing sistema at lumikha ng ilusyon ng “panibagong pag-asa.”

Tungo rito, itinulak ng US ang pagsasakatuparan ng *automated election system* (AES o ang paggamit ng mga kompyuter sa pagbibilang ng mga boto). Sa pamamagitan nito, anumang manipulasyon o dayaan ay maisasagawa nang mas pulido at mahirap mapatunayan. Binibigyan nito ang US ng pagkakataon upang epektibo ngunit lihim at tusong impluwensyahan ang resulta ng eleksyon. Pinalalabas ng matataas na upisyal ng US na ang ganitong sistema ng eleksyon ay napakaepektibo at mahirap kwestyunin.

Mga tampok sa isyung ito...

**Panagutin si Arroyo—
NDFP**

PAHINA 3

**Kaso ng Morong 43,
idinulog sa UNHR**

PAHINA 7

**Barkong sibilyan,
sinalakay ng Israel**

PAHINA 10

Ang mas lantarang pakikialam ng US ay nakita sa pagbisita ng ilang matataas na upisyal nito kay Aquino ilang linggo bago ang aktwal na eleksyon. Itinampok si Aquino sa pangunahing internasyunal na magasin na *Time* ng US. Naghudyat ito ng tahasang pag-endorso ng US kay Aquino. Sinundan ito ng todo-buhos na suporta ng malalaking negosyanteng Amerikano at malalaking komprador sa bansa, kabilang ang buhos ng pon-do para sa kampanya ni Aquino.

Ang pinagdududahang malaking lamang ni Aquino sa kanyang mga karibal ang isinasangkalan ngayon ng US para palabasing mayroon siyang malinaw na mandato para pamunuan ang estadong neokolonyal. Kinabukasan ng eleksyon, muli siyang itinampok sa *Time* na nagdeklara ng *landslide victory* ni Aquino, gayong kasisimula pa lamang ng bilangan ng boto.

Gayunpaman, paglipas ng ilang araw, kabi-kabilang sumingaw ang baho ng manipulasyon sa eleksyon. Maging ang delegasyon ng US ay may naobserbahang mga anomalya sa takbo ng AES. Natulak ang Kongreso na maglunsad ng imbestigasyon. Iba't ibang kampo ang kum-

westyon sa mismong integridad ng nagdaang halalan. Naging usap-usapan ang posibilidad na maantala ang proklamasyon ng bagong presidente at bise presidente.

Sa pangambang lumawak ang pagdududa sa resulta ng eleksyon, muling umentra sa eksena ang US nang bisitahin ni US Ambassador Harry Thomas Jr. si Aquino noong Mayo 22. Idineklara ng imperyalis-tang kinatawan na "malinis ang eleksyon" at "nanalo si Aquino." Kulang na lamang na direktang sabihin ng US na "si Aquino ang tao namin." Sa gayong mga pahayag, tahasang nirendahan ng US ang mga nagriribalang pangkat ng nag-haharing uri sa kanilang pagkwes-tyon sa AES at nagpahiwatig na dapat ituloy na ang proklamasyon kay Aquino upang masimulan na ang pagpapaandar ng bagong rehimeng US-Aquino.

Asahang lalo pang lalaki ang panghihimasok at papel ng US sa harap ng magiging pagsisikap ni Aquino na konsolidahin ang kanyang hawak sa papet na estado poder sa gitna ng matinding krisis ng naghaharing reaksyunaryong sistema. Unang-unang haharapin ni Aquino ang sigaw ng bayan na

litisin at parusahan si Arroyo sa maraming krimen nito laban sa mamamayan. Kung seseryosohin ni Aquino ang kanyang pangakong gawin ito, tiyak na lalabanan siya ni Arroyo na patuloy na naggigiit ng kapangyarihan sa pamamagitan ng pagkontrol niya sa Kongreso, militar, Korte Suprema at iba pang ahensya ng estado. Handa si Arroyo na tuluy-tuloy na pahinain at hamunin ang kapangyarihan ni Aquino.

Sa harap ng mga hamon at banta ni Arroyo, asahang sasandal nang husto si Aquino sa US, laluna sa nakapangyayaring kontrol nito sa militar, pinansya at malaking negosyo. Kaalinsabay nito, itutulak din ng US ang isang kompromiso para kay Gloria Arroyo na katulad ng kina Estrada at Marcos—bagay na hindi magiging katanggap-tanggap sa mamamayang Pilipino. Ito ay dahil mas gugustuhin pa rin ng US na pahupain ang tunggalian ng mga paksyon ng mga naghaharing uri kahit pa ang kanilang bangayan at ibinubunga nitong paghina ng papet na estado ay nasasamantala rin nito para ibayong makapanghi-masok.

Ang pagsandal nang husto ni Aquino sa US ay tiyak na susuklian niya ng pangangayupapa sa interes ng imperyalismong US sa Pilipinas. Kahit kaunting patriyotismo ay walang ipinakikita si Aquino.

Tiyak na ipagpapatuloy lamang niya ang dati nang mga patakarang dikta ng imperyalismong US. Su-suportahan niya ang pananatili ng permanenteng presensyang militar ng US at ang pagpapalaki ng papel ng US sa kontra-rebolusyonaryong digma. Itataguyod niya ang pangangalaga sa pang-ekonomyang interes ng US sa Pilipinas at ang patuloy na pagpapatupad ng mga patakarang neoliberal, kabilang ang mga patakarang dikta ng IMF tulad ng pagpapataw ng karagdagang mga buwis para malutas ang



Taon XLI Blg. 11 Hunyo 7, 2010

Ang *Ang Bayan* ay inilalabas sa wikang Pilipino, Bisaya, Iloko, Hiligaynon, Waray at Ingles.

Maaari itong i-download mula sa Philippine Revolution Web Central na matatagpuan sa:

www.philippinerevolution.net

Tumatanggap ang *Ang Bayan* ng mga kontribusyon sa anyo ng mga artikulo at balita. Hinihikayat din ang mga mambabasa na magpaabot ng mga puna at rekomendasyon sa ikau-unlad ng ating pahayagan. Maaabot kami sa pamamagitan ng email sa: angbayan@yahoo.com

Nilalaman

Editorial

Papel ng US sa pagpanalo at pagluklok kay Aquino	1
Panagutin si Arroyo -- NDFP	3
Magkahalong panalo sa party-list	4
Banta ng AFP	5
<i>Midnight appointments</i> , pang-iipit	5

Matatagumpay na TO

17 armas nasamsam	6
Militar, hadlang sa pagpapalaya	7

Pananalanta ng pasistang estado

Kaso ng Morong 43, idinulog sa UN	7
Panggigipit sa mga magsasaka	8

Matrikula, tataas na naman	9
Barkong sibilyan, sinalakay ng Israel	10

Balita	11
---------------	-----------

Ang *Ang Bayan* ay inilalathala dalawang beses bawat buwan ng Komite Sentral ng Partido Komunista ng Pilipinas

napakalaki nang depisit ng gubyrerno.

Nagkakaisa ang iba't ibang nagriribalang paksyon ng naghaharing uri sa pagpapakatuta sa US at pagtataguyod ng interes nito sa bansa. Nakatali sa imperyalistang paghahari sa bansa ang pang-ekonomya at pampulitikang interes ng malalaking burgesyang komprador at malalaking panginoong maylupa. Katuwang sila ng imperyalismo sa pandarambong at pagpapanatili ng bulok na malakolonyal at malapyudal na sistema sa bansa. Tulad noong panahon ng paghahari ni Corazon Aquino, ang pangunahing makapagsasamantala sa kapangyarihan ay ang tinaguriang Kamag-anak Inc. ng malaking komprador-asenderong angkang Aquino-Coju-



bagong papet na rehimen. Tatampok ang mga pakikibaka para sa tu-

angco sa ilalim ng bagong rehimeng US-Aquino.

Ang paghahari ng bagong luklok na rehimeng US-Aquino ay katatampukan ng mga pakikibaka ng mamamayang Pilipino laban sa pagsasamantala at pang-aapi. Tatampok ang pakikibaka ng sambayanan para sa pambansang kala-yaan at tunay na demokrasya laban sa pagkapit sa US ng


nay na reporma sa lupa at pambansang industriyalisasyon; ang pakikibaka laban sa pagpapatuloy ng imperyalistang patakarang neoliberal, ang mga paglaban para sa pagpataas ng sahod ng mga manggagawa at karaniwang mga kawani; ang pakikibaka laban sa lumalaking disempleyo at lumalalang kahirapan; at ang pakikibaka laban sa malulupit at mapaniil na anti-mamamayang patakaran at hakbangin ng papet na reaksyunaryong estado.

Ang mga pakikibakang ito ay bahagi ng sumusulong na rebolusyonaryong pakikibaka para waksan ang paghahari ng imperyalismong US, pyudalismo at burukrang kapitalismo. Tungkulin ng lahat ng mga rebolusyonaryo at progresibong pwersa at buong sambayanan na pag-ibayuhin ang pagsusulong ng pambansa-demokratikong kilusan laban sa patuloy na dominasyon at panghihimasok ng US sa ilalim ng bagong papet na rehimeng Aquino. AB

Panagutin si Arroyo sa kanyang mga kasalanan sa bayan—NDFP

Hinamon ng National Democratic Front of the Philippines (NDFP) ang bagong uupong administrasyon ni Benigno "Noy" Aquino III na panagutin sina Gloria Macapagal-Arroyo at kanyang mga kasapakat sa maraming malalaking kaso ng paglabag sa karapatang-tao, garapalang korapsyon at pandarambong laban sa mamamayang Pilipino.

Ito ang buod ng panawagan ni Ka Luis Jalandoni, tagapangulo ng Negotiating Panel ng NDFP, sa uupong administrasyon na manunungkulan simula Hunyo 30. Umaasa ang malawak na masa na tutupdin ni Aquino ang kanyang pangako na imbestigahan at usigin ang rehimeng Arroyo batay sa ligal at



pampulitikang balangkas ng Gubyrerno ng Republika ng Pilipinas, ani Jalandoni.

Halos ganito rin ang pahayag na ipinalabas ng International Association of People's Lawyers (IAPL) sa pagtatapos ng kanilang Fourth Congress noong Mayo 30 na idinaos sa Utrecht, The Netherlands. Anito, titiyakin ng IAPL na hindi matatakas ni Arroyo at kanyang mga kasapakat ang kanilang malalaking krimen laban sa mamamayang Pilipino.

Ani Atty. Edre Olalia, ang muling nahalal na pangulo ng IAPL, magiging sukatan ng bagong rehimen ang pagsasagawa ng kagay at aktibong ligal na mga hakbang para panagutin sina Arroyo at kanyang mga alyado sa mga krimen nila laban sa bayan.

Iginigiit ng NDFP na panagutin

ang rehimeng Arroyo sa 1,191 kaso ng ekstrahudisyal na pamamaslang, mahigit 200 kaso ng pagdukot, daan-daang bigong pagpatay, 1,028 kaso ng pagtor-tur, 317 kaso ng pagkulong sa mga detenidong pulitikal at pagkawasak ng kabuhayan ng milyun-milyong sibilyan sa kanayunan at kalunsuran. Magiging mahalagang palatandaan ito ng kapasyahan ng bagong administrasyon na ipatupad ang Comprehensive Agreement on Respect for Human Rights and International Humanitarian Law (CARHRIHL), ani Jalandoni.

Dapat ding mapagpasyang usigin ng administrasyong Aquino sina Arroyo at kanyang mga kasapakat para sa mga krimen ng pandarambong at korapsyon para maging lubos na kapaki-pakinabang ito sa negosasyon hinggil sa mga repormang panlipunan at pang-ekonomya. Ito ang ikalawang sustantibong paksa sa usapang pangkapayapaan ng GRP-NDFP na itinakda ng The Hague Joint Declaration, giit ni Jalandoni.

Ganito rin ang hangad ng The Ecumenical Voice for Peace and Human Rights in the Philippines (Ecumenical Voice).

Samantala, sa isang raling inilunsad ng Desaparecidos, itinanonng kay Aquino ng mga kamag-anak ng mga dinukot at hindi pa natatagpuan kung ang “matuwid na daan” na binanggit niya sa kanyang kampanya ay “patungong katarungan.”

Sa kabilang banda, nagbabala ang NDFP na sisiklab ang galit ng mamamayan at muling malalantad ang kabulukan di lamang ng buong administrasyon kundi ng buong naghaharing sistema kung hindi matutupad ni Aquino ang mga pangako nito sa loob ng unang 100 araw niya sa panunungkulan. **AB**

Mga progresibo, kabilang sa nanalo sa halalang *party-list*

Kabilang sa 28 nanalong organisasyon sa *party-list* sa nagdaang eleksyon ang ilang progresibong grupo. Ipinroklama na sila ng Commission on Elections (COMELEC) noong Mayo 31.

Nakakuha ng tig-dalawang pwesto ang mga progresibong organisasyong GABRIELA Women's Party at Bayan Muna habang tig-iisang kinatawan naman ang nakuha ng Anakpawis, ACT Teachers at Kabataan Party-list. Ang ACT Teachers ang bagong naidagdag sa mga dati nang nakakuha ng pwesto sa Kongreso.

Kasabay nito, ilan din sa mga nakakuha ng pwesto ay mga organisasyong itinayo, pinondohan at pinatakbo ng mga kapamilya at kasapakat ni Gloria Arroyo, kabilang ang Ang Galing Pinoy (AGP), Alagad Party-list, Kakusa at Agbi-ag! Timpuyog Ilocano, Inc.

Ang lutong makaw na panalo ng mga ito at iba pang pekeng organisasyon sa *party-list* ay bumawas nang malaki sa dating pangunguna ng mga progresibong *party-list*.

Kaduda-duda na halos lahat ng boto ng Ang Galing Pinoy ay nanggaling sa Pampanga kung saan kinopo nina Arroyo at mahigpit na kaalyado nilang mga Pineda ang eleksyon.

Ang mga Pineda na may hawak sa sindikato ng hweteng sa prubinsya ang nakaagaw ng pamumuno ng prubinsya mula sa popular na paring si Ed Panlilio.

Marami ang kumwestyon sa pagkakaproklama ng AGP na pangunahing kakatawanin ng anak ni Gloria Arroyo na si Mikey. Nagsampa ang Bayan Muna sa COMELEC at sa Korte Suprema ng kasong diskwalipikasyon sa AGP dahil hindi totoong ang kumakatawan ito sa

agrabyadong sektor ng mga *security guard*, drayber ng traysikel at maglalako. Partikular na mariing kinwestyon ng Bayan Muna ang pagiging kinatawan ng mga ito ni Mikey Arroyo. Sa harap nito, pansamantalang iniatras ng COMELEC ang pagsumpa ni Arroyo bagaman di nito iniatras ang rehistrasyon ng AGP.

Nakabitin din ang proklamasyon ng 11 pang organisasyon sa *party-list* dahil sa mga nakasampang kaso ng diskwalipikasyon laban sa organisasyon o sa kanilang mga nominado. Kabilang sa mga ito ang ilan pang kinasuhan ng Bagong Alyansang Makabayan (BAYAN) dahil hindi sila tunay na kumakatawan sa mga agrabyadong sektor at sa halip ay mga prenteng partido lamang sila na itinayo at pinatakbo ng Malacañang.

Ang mga ito ay ang Ako Bicol at masugid na pasistang organisasyong ANAD, gayundin ang ilan pang itinayo ng mga negosyante tulad ng LPGMA (LPG Marketers Association) at mga itinayo ng mga relihiyosong organisasyon tulad ng Buhay at CIBAC.

Nagsampa sa COMELEC ang BAYAN-Bicol ng kasong diskwalipikasyon sa Ako Bicol dahil ang tagapagtatag at unang nominado nito na si Elizaldy Co, isang malaking negosyante at kontratista sa pamublikong konstruksyon, at ang ikalawang nominado na si Noel Rosal, meyor ng Legazpi City ay mayayaman at makapangyarihan sa Bicol na mahigpit na mga alyado ni Arroyo. **AB**

Pag-aalburuto sa AFP

Hindi pa man nakauupo si Noynoy Aquino, may ilang upisyal nang nagbabanta sa poder ng bagong halal na pangulo. Nag-aalburuto ang ilang upisyal, laluna ang mga nagmula sa Class 1978 ng Philippine Military Academy (PMA) sa harap ng pahayag ng kampo ni Aquino na aalisin ang kasalukuyang hepe ng AFP na si Lt. Gen. Delfin Bangit na kahihirang lamang ni Gloria Arroyo noong Marso.

Si Bangit ay kilalang matapat at parusahan siya. na upisyal ni Arroyo.

Ang paghirang kay Bangit ay hakbangin ni Arroyo upang mapanatili ang kanyang impluwensya sa militar matapos siya bumaba sa pagkapangulo sa Hunyo 30. Inasahan ni Arroyo na magagamit ang impluwensyang ito upang hadlangan ang anumang hakbangin ng bagong rehimen para usigin, litisin

Nabigo ang Commission on Appointments (CA) na pagtibayin ang paghirang kay Bangit bago magsara ang ika-14 na Kongreso. Dahil dito, may pananaw na ang kanyang pagkakahirang ay nananatiling pansamantala at gayo'y maaari siyang palitan anumang oras. Iginigiit naman ni Senate President Enrile na maaaring palawigin ni Arroyo ang termi-

no ni Bangit hanggang Disyembre. Anumang pagtutol rito, aniya, ay maaaring resolbahin na lamang sa Korte Suprema. Sa kabilang panig, iginigiit ng kampo ni Aquino na kagad nilang papalitan si Bangit kung hindi ito kusang magbibitiw.

Ang tunggalian sa pagkontrol at impluwensya sa AFP ay isa sa maraming magaganap na salpukan sa pagitan ng bagong naghaharing pangkating Aquino at ng dating naghaharing pangkating Arroyo. Sa isang panig, nagsisikap na magkonsolida si Aquino ng poder habang pilit na pinananatili ni Arroyo ang malawak na impluwensya at kapangyarihan niya sa militar at iba't ibang ahensya ng reaksyunaryong estado. **AB**

Midnight appointments, pang-ipit kay Aquino

Kabi-kabila ang paghirang ni Gloria Arroyo ng mga loyalista niya sa iba't ibang pusisyon sa gubyrerno sa nalalabing mga linggo ng kanyang termino. Ayon sa pinakahuling mga ulat, umaabot na sa 250 ang mga hinirang ni Arroyo makaraan ang Marso 9. Pero pinalalabas niya na bago mag-Marso 9 niya hinirang ang mga ito para maikutang ang pagbabawal ng konstitusyon na maghirang siya ng bagong upisyal ng gubyrerno mula Marso 10 hanggang sa pagtatapos ng kanyang termino.

Pinakahuli sa mga hinirang ni Arroyo si Efraim Genuino para manungkulan ng isa pang taon bilang tagapangulo ng Philippine Amusements and Gaming Corporation (PAGCOR).

Kasabay ng pagbabalik kay Genuino sa PAGCOR, pinalawig din ni Arroyo ang termino ng apat pang myembro ng *board of directors* ng ahensya. Sinisikap ni Arroyo na patuloy pa ring makontrol ang PAGCOR dahil sa kita nitong umaabot sa P30 bilyon taun-taon. Ito na ang pangatlong pinakamalaking pinanggagalingan ng pinansya ng gubyrerno, kasunod ng Bureau of Internal Revenue at Bureau of Customs. Hindi rin dumaraan

sa proseso ng pagbabadyet ng Kongreso at di aktwal na naaawdit ng Commission on Audit ang pondo nito.

May mga hinirang din si Arroyo na nakatakdang manungkulan nang ilang taon pa at hindi basta-basta maaaring tanggalin ni Aquino sa pwesto. Kabilang dito ang ilang mga dating myembro ng kanyang gabinete na itinalaga sa sensitibong mga pusisyon, tulad nina Ignacio Bunye at Peter Favila na itinalaga sa Monetary Board, at Jesus Dureza na itinalagang hepe ng Mindanao Development Authority.

Ang pagkakahirang ng mga upisyal na matatapat kay Arroyo sa mga susing pusisyon sa burukrasya

ay kabilang sa mga pakana ng kanyang pangkatin para paralisahin o gawing maganit ang operasyon ng bagong rehimen ng Aquino at ukukan ang poder nito dahil tiyak na itutulak ng naturang mga upisyal ang interes ng pangkating Arroyo.

Samantala, hindi lamang mga tinaguriang *midnight appointments* ang ipinapakana nina Arroyo kundi mga *midnight deals*. Ibinunyag ni Sen. Francis Pangilinan ang paglimas ni Defense Secretary Norberto Gonzales ng P300 milyong pondo ng AFP Modernization Program sa pamamagitan ng kabi-kabila at madaliang pagpasok ng gubyrernong Arroyo sa mga kasunduan para bumili umano ng mamahaling mga kagamitang militar.

Inihahanda na rin daw ang pekeng papeles na pantakip sa pagluwal ng isang ahensya ng gubyrerno ng malalaking pondo para sa ikalawang distrito ng Pampanga kung saan tumakbo si Arroyo at 186 barangay sa ikalawang distrito ng Camarines Sur kung saan tumakbo ang anak ni Arroyo na si Dato. Umabot sa P345 milyon ang pondo ng ibinuhos sa mga distritong ito. **AB**



17 armas, nasamsam sa mga taktikal na opensiba ng BHB

Labimpitong armas (17) ang nasamsam ng Bagong Hukbong Bayan (BHB) sa serye ng mga taktikal na opensiba sa Davao Oriental, Camarines Sur, Davao City, Masbate at Negros Occidental mula Mayo 22-29. Labingwalo ring elemento ng kaaway kabilang ang isang tinyente ang napatay at 28 ang nasugatan sa mga labanang ito.

Sa Davao Oriental. Labing-isang malalakas na armas ang nasamsam ng BHB sa isang mapangahas na reyd sa *patrol base* ng 28th IB ng Philippine Army sa Sityo Chapter, Barangay Maputi, bayan ng Banaybanay noong Mayo 24 ng tanghali.

Nakakumpiska ang pinagsanib na mga pwersa ng 3rd Pulang Bagani Company at Wilfredo Zapanta Command ng Front 18 ng dalawang FN Minimi Light Machine Gun, dalawang M203 *grenade launcher*, tatlong ripleng M14, tatlong ripleng Garand at isang ripleng M16.

Tatlong sundalo ang agad na napatay, apat ang nasugatan habang dalawang sundalo ang sumuko at pinalaya naman ng mga gerilyang bayan. Samantala, isang Pulang mandirigma na nakilalang si Ka Tonyo ang namartir sa matinding labanan na ito sa kahabaan ng Davao-Mati National Highway.

Ang sinalakay na mga tropa ng 28th IB ay nagsisilbing mga pribadong hukbo ng malalaking kapitalista at kumpanya tulad ng Maverick Construction Company, ayon kay Ka Simon Santiago, *political director* ng Merardo Arce Command ng SMR-BHB.


Sa Camarines Sur. Isang M60 *machine gun*, dalawang ripleng M16 at isang *medical kit* ang nasamsam ng mga Pulang mandirigma nang tambangan nila ang 12-kataong yunit ng 42nd IB sa Barangay Bicalen, Presentacion

noong gabi ng Mayo 30. Apat na sundalo ang napatay kabilang ang kanilang *commanding officer* na si 1Lt. Miguel Logronio at nasugatan ang apat na iba pa.

Bago ang taktikal na opensibang ito, naglunsad ng aksyong harasment ang BHB sa detatsment ng militar sa nasabing barangay na ikinamatay ng isang sundalo. Inatasan ang pangkat ni 1Lieutenant Logronio na maglunsad ng operasyong pantugis laban sa BHB para makuha ang bangkay ng sundalo. Ngunit paakyat pa lamang ang mga militar sa Barangay Bicalen ay pinasabugan na sila ng *command-detonated explosive* (CDX) bandang alas-9 ng gabi.

Ang mga napatay na militar ay unang naiulat na *missing in action* ngunit natagpuan din ang kanilang mga bangkay kinabukasan ng mading araw.

Hinaras din ng BHB noong araw na iyon ang detatsment ng 22nd



IB ng Philippine Army sa Barangay San Pedro, Iriga City at sa Barangay Cambalido, Libmanan, Camarines Sur.

Sa Davao City. Isang sundalo ng 69th IB ang napatay at pitong iba pa ang nasugatan kabilang ang isang elemento ng CAFGU sa ambus na isinagawa ng mga Pulang mandirigma ng Larangang Gerilya 51 noong Mayo 29 sa Barangay Sibulan, Toril District.

Isang linggo bago ito, tatlong sundalo ng 29th IB ang napatay at isang elemento ng CAFGU ang nasugatan nang ambusin sila ng mga Pulang mandirigma ng nasabing larangang gerilya sa Barangay Baracatan, Toril District.

Sa Masbate. Pitong pulis na kasapi ng Public Safety Management Battalion (PSMB) ang nasugatan habang lubusang nawasak ang sinasakyan nilang Toyota Hilux *pickup* nang masabugan sila ng CDX sa Sityo Umoroy, Barangay Marintoc, Mobo noong Mayo 28. Muling nagkaroon ng labanan nang sumaklolo ang mga pulis at sundalo ng 85th IB.

Sa Negros Occidental. Isang Thompson *submachine gun* at dalawang *shotgun* ang nakumpiska ng mga Pulang mandirigma ng BHB mula sa mga gwardya nang salakayin ng mga Pulang mandirigma ng Leonardo Panaligan Command ang *compound* ng Hacienda Estrella sa Barangay Bi-ao, Binalbagan noong Mayo 22. Sa kasunod na apat na labanan sa pagitan ng militar at BHB, ipinahayag ni Ka JB Regalado, tagapagsalita ng Leonardo Panaligan Command, na nakapatay sila ng anim na sundalo ng 11th IB at nakasugat ng limang iba pa.


AB

Kaso ng Morong 43, idinulog sa UNHRC

Nanawagan ang iba't ibang organisasyon ng mga taong simbahan at tagapagtaguyod ng karapatang-tao na imbestigahan ng United Nation Human Rights Council (UNHRC) ang kaso ng Morong 43.

Ayon sa Ecumenical Voice for Peace and Human Rights in the Philippines, nagpunta sila kasama ang KARAPATAN, Union of Peoples Lawyers at mga kinatawan ng Commission on Human Rights (CHR) noong Hunyo 3 sa Geneva, Switzerland upang dumalo sa 14th session ng UNHRC. Isa sa mga nagbigay ng testimonya sa

UNHRC si Roneo "Jigs" Clamor, deputy-secretary general ng KARAPATAN at asawa ni Dr. Merry Mia-Clamor, isa sa Morong 43. Sinabi niya na tinatakot ng mga sundalo



ang kanyang asawa at pinagbabantaan ang kanilang pamilya dahil hindi siya pumapayag sa kagustuhan ng militar na umamin siyang kasapi ng Bagong Hukbong Bayan.

Ayon kay Fr. Rex Reyes, pangkalahatang kalihim ng National Council of Churches in the Philippines, umaasa sila na iimbestigahan ng UNHRC ang kaso ng Morong 43. Sinabi naman ni Marie Hilao-Enriquez, pangkalahatang kalihim ng KARAPATAN na dapat managot si Gloria Arroyo hindi lamang sa kaso ng Morong 43 kundi maging sa mga kaso ng ekstrahudisyal na pamamaslang. Ayon kay Enriquez, umaabot na sa 1,991 ang

biktima ng pamamaslang sa ilalim ng Oplan Bantay Laya samantalang 205 ang dinukot at 1,028 ang biktima ng tortyur at pagpapalayas bunsod ng matinding militarisasyon.

Nagpasalamat naman si Reyes kay UN Special Rapporteur Prof. Philip Alston dahil sa pagsuporta niya sa laban ng mga biktima ng rehimeng Arroyo. Nauna nang naglabas ng ulat si Professor Alston noong 2008 sa UNHRC na nagdidiin sa rehimeng Arroyo at Armed Forces of the Philippines sa mga pamamaslang at pagdukot sa mga sibilyan at aktibista. Dumalo si Alston upang ipakita muli ang kanyang ulat sa nasabing pagtitipon.

Samantala, bumisita naman ang mga kaanak ng Morong 43 at mga tagasuporta nila noong Hunyo 6 sa Camp Bagong Diwa sa Taguig City. Hiniling nila sa bagong rehimen ni Benigno "Noynoy" Aquino III na palayain na ang 43 manggagawang pangkalusugan at parusahan si Arroyo sa mga nagawa niyang kaso ng pampulitikang pandarahas sa mamamayan. **AB**

Operasyong militar, hadlang sa pagpalaya ng 4 na bihag

Malaking balakid sa maagang pagpalaya sa apat na bihag ng Bagong Hukbong Bayan (BHB) ang matinding operasyong militar sa Compostela Valley na inilulunsad ngayon ng 10th ID-AFP.

Ito ang sagot ng Crucifino Uballas Command (CUC-BHB) sa Southern Mindanao Region sa apela ng mga pamilya, grupo at indibidwal na may mabuting hangaring mapalaya na ang apat na elemento ng Philippine Army

at isang elemento ng CAGU. Sa kabila ng kanilang paggalang at pagkilala sa apela, naniniwala ang CUC-BHB na dapat iparating ito ng mga pamilya, grupo at indibidwal sa matataas na upisyal ng 10th ID ng Philippine Army.

Sa kasalukuyan, ang isinagawang "rescue operations" ng militar ang siyang pinakamalaking hadlang sa maagang paglalya ng mga bihag.

Ang mga bihag na sina Cpl. Marcial Bawagan, Cpl. Ariel P. Asumo at Cpl. Eduardo Alcala at elemento ng CAGU na si Victor Pitogo ay inaresto ng mga Pulang mandirigma ng CUC sa Barangay Concepcion, Mawab, Compostela Valley noong Mayo 12. Sa kasalukuyan ay nagpapatuloy ang rebolusyonaryong prosesong ligal at hudisyal kaugnay sa kanilang mga kaso. **AB**



Panggigipit sa mga magsasaka, lumalawak

Isang lider-union ang pinaslang, tinakot at hinaras ang mga magsasakang pinagbintangang tagasuporta ng Bagong Hukbong Bayan sa Negros at ginipit ang mga magsasakang lumalaban sa mga despotikong panginoong maylupa. Ang mga ito ay ilan lamang sa nagpapatuloy na paglabag sa karapatang-tao sa ilalim ng reaksyunaryong rehimen.

Hunyo 3. Marahas na dinemolis ng mga gwardya ng Manila South Coast Development Corp. ang 21 bahay ng mga magsasaka sa Hacienda Looc sa Nasugbu, Batangas. Malaon nang iginigiit ng mga magsasaka sa Hacienda Looc ang kanilang karapatan sa lupa. Ginawaran na sila ng Certificate of Land Ownership Award (CLOA) ng Department of Agrarian Reform (DAR) subalit kinansela ito noong 1995 nang ibenta ang lupa ng asyenda sa Manila South Coast. Plano nitong magtayo ng malaking proyektong eko-turismo sa lugar. Nakasalang pa rin sa Korte Suprema ang kaso ng Hacienda Looc.

Hunyo 2. Pinaslang ng mga lalaking sakay ng motorsiklo si Edward Panganiban, kalihim ng Samahan ng mga Manggagawa sa Takata. Ang Takata Philippines Corp. ay pabrikang gumagawa ng mga *air bag* at *seatbelt* para sa kotse. Pinagbabaril si Panganiban pasado alas-5 ng hapon habang naghihintay siyang makasakay para pumasok sa trabaho. Nagtamo ng di bababa sa pitong tama ng bala ang biktima. Kasalukuyang nagaganap ang negosasyon ng kumpanya at ng union ni Panganiban para sa Collective Bargaining Agreement. Siya ang ika-siyam na aktibistang manggagawang pinaslang sa Southern Tagalog at ika-96 na unionistang pinatay sa ilalim ng rehimen ng Arroyo.


Mayo 22. Nilooban ng mga elemento ng 11th IB ang bahay ni Lumina Castillano, 50, at pinagsisira ang kanyang mga gamit sa kusina at aparador ng mga damit. Binaril din ang kanyang aso. Nilooban din ng naturang mga sundalo ang kanyang kapitbahay na si Mercedita Cabudillo. Ikinalat ang mga gamit ni Cabudillo at sinira ang kanyang *water jug*, radyo at mga upuan at kinain ang kanyang manok. Pinaputukan naman si Monsito Castillano nang masalubong siya ng mga sundalo sa daan. Hinalughog din ang kanyang bahay at sinipa siya habang pilit pinaaamin na myembro raw siya ng BHB. Isa pang magsasaka, si Cris-tuto Meñiola Jr., 15 anyos, ang tinutukan ng baril habang sakay ng kalabaw. Pilit siyang pinababa, pinadapa sa lupa at binugbog. Inutusan din siyang magigib ng mga abusadong sundalo. Binugbog din ng mga sundalo ang tiyo ni Meñiola na si Robert Buca.

Ang mga pang-aabusong ito ay nabunyag sa *fact-finding mission* na inilunsad ng September 21 Movement-Southern Negros, Karapatan-Negros, Anakpawis at Kilusang Magbubukid ng Pilipinas nitong Mayo 29 sa Sityo Pange at Si-

tyo Casipungan, Barangay Carabalan, Himamaylan, Negros Occidental. Naganap ang mga abuso isang araw matapos paputukan ng Bagong Hukbong Bayan (BHB) ang ilang sundalo ng 11th IB malapit sa lugar.

Mayo 21. Inaresto ng mga pulis at mga gwardya ng Hacienda Yulo sa Sityo Buntog, Barangay Canlubang, Calamba City ang mga magsasakang lumalahok sa isang kampo-protesta bilang pagtutol sa plano ng pamilyang Yulo na palayasin sila sa 7,100 ektaryang lupa ng asyenda para gawing subdivisyon at *golf course* ito. Sa kabila ng nakasampang petisyon ng mga magsasaka sa DAR, marahas na binuwag ng mahigit 50 pinagsanib na mga pwersa ng pulisya, SWAT at mga gwardya ng Laguna Estate Development Corp. at San Cristobal Realty Corp. na pagmamay-ari ng mga Yulo ang hanay ng mga nagpoprotestang magsasaka. Sampung magsasaka ang sinampahan ng mga gawa-gawang kaso at nakadetine pa rin, kabilang ang apat na babae at tatlong menor de edad.

Mayo 19. Pinagbintangan ng 19th IB ang mga magsasaka sa Barangay Antipolo, Albura, Leyte na tagasuporta ng BHB dahil lamang sa pag-suporta nila sa partidong Anakpawis nitong nakaraang eleksyon. Ipinatawag sila ng mga sundalo sa eskwelahan ng barangay at isang oras silang pinaratangang sumusuporta sa BHB. Binalaan din silang itigil ang pag-suporta sa Anakpawis at kina Satur Ocampo at Liza Maza na tumakbo para sa Senado. Isang 13-taong gulang na batang lalaki ang tinadyakan din ng isang sundalo nang wala itong maisagot nang tanungin siya kung sino sa barangay ang nagpapakain sa BHB. AB



Matrikula, tataas na naman ngayong pasukan

Umaabot sa 337 mga paaralan sa buong Pilipinas ang pinayagang magtaas ng matrikula at iba pang bayarin ngayong taon. Ayon sa Commission on Higher Education (CHED), tataas nang aabot sa 10-30% ang matrikula. Katumbas ito ng dagdag na P30-50 sa bina-bayaran kada yunit sa mga eskwelahang ito. Pitumpu't pito (77) sa mga paaralang ito ay mula sa National Capital Region (NCR); 43 sa Region 3; 24 sa Region 6; at 18 sa Region 7. Dalawang pampublikong paaralan naman ang pinayagan ding magtaas habang 27 ang pinayagang magtaas ng iba pang bayarin.

Binatikos ng National Union of Students of the Philippines (NUSP) ang pagtataas ng matrikula. Anito, hindi ito napapanahon dahil nagtaasan din ang mga bilingin habang nakapako naman sa mababang antas ang sahod ng mga manggagawa. Dagdag pa ng NUSP, kapag pinayagan ng CHED na magtaas ng matrikula ang mga paaralan ay lalaki ang bilang ng mga kabataan na hindi makapag-aaral.

Nagbanta ang mga estudyante na maglulunsad sila ng mga kilos-protesta kapag tuluyang naningil ang mga paaralan ng mas mataas na matrikula. Anila, hindi tumugon ang CHED sa petisyon ng mga estudyante at magulang na ihinto muna ang pagtataas ng matrikula.

Iligal din daw ang ginawang pagtataas ng karamihan sa mga paaralan dahil walang naganap na konsultasyon sa pagitan nila at ng mga estudyante at magulang.

Ayon naman kay Kabataan Party-list Rep. Raymond Palatino, halos walong milyong kabataan ang hindi nakakapagkolehiyo bunsod ng komersyalisasyon ng edukasyon. Sa bawat sampung estudyanteng nakapagtapos ng hayskul ay dadalawa lamang ang nakararating sa kolehiyo. Aniya, hindi nakapagtataka kung taun-taon ay tumataas nang 10% ang matrikula sa mga eskwelahan dahil kontrolado ito ng pribadong sektor at itinuturing ang edukasyon bilang negosyo sa halip na serbisyo.

Nangangamba naman ang Kilusang Mayo Uno (KMU) sa kinabukasan ng mga anak ng mga manggagawa dahil sa paglobo ng matrikula. Mapaparami ang bilang ng mga kabataang mahihirapang mag-aral o kaya ay hindi makakukuha ng trabaho, ayon sa KMU. Sinabi naman ni Anakpawis Party Rep. Joel Maglunsod na kahit sa mga pampublikong kolehiyo at unibersidad ay nahihirapang makapasok ang mahihirap dahil sa taas na rin ng matrikula rito bunsod ng kakarampot na badyet na inilalaan sa kanila ng pamahalaan.

Hinamon naman ng NUSP at KMU ang susunod na presidenteng si Benigno "Noynoy" Aquino III na panghawakan ang kanyang pangako sa mga kabataan na pagpigil sa pagtaas ng matrikula at paglalaan ng mataas na badyet sa edukasyon.

Ayon sa pag-aaral ng NUSP, umaabot na sa P855/yunit ang itin naas ng matrikula nitong nakaraang siyam na taon. Noong 2001, nasa P230.79/yunit lamang ang abereyds na matrikula.

Umaabot naman sa 107 paaralang elementarya at hayskul sa Metro Manila ang humiling na magtaas ng matrikula, ayon sa Department of Education. **AB**

Sahod ng OFW, hindi sapat pangmatrikula

MAGING ang sahod ng Overseas Filipino Workers (OFW) ay hindi na magkasya sa taas ng matrikulang sinisingil ng karamihan ng mga kolehiyo at unibersidad. Aabot sa 10-30% ang umento sa matrikula ngayong pagbukas ng klase sa Hunyo.

Ayon sa Migrante, ang karaniwang sahod ng isang OFW sa Middle East ay \$250.00 hanggang \$450.00 bawat buwan (katumbas ng P11,000-19,800 sa palitang \$1.00=P44.00). Dapat kumita ang isang OFW ng hindi bababa sa P23,400.00 o \$532.00 isang buwan dahil ang kinakailangang arawang sahod sa Metro Manila para mabuhay nang disente ay P780.00. **AB**

30% lamang ng mga nagtapos sa kolehiyo ang makapagtatrabaho

AABOT lamang sa 30% ng mga nagtapos sa kolehiyo ang makakakita ng trabaho ngayong taon. Ito ay ayon sa pananaliksik ng IBON Foundation.

Batay sa Labor Force Survey noong Abril 2009, umaabot sa 848,000 ang bago at dati nang nakapagtapos sa kolehiyo na naghahanap ng trabaho. Ngunit 256,000 trabaho lamang ang naghahintay sa kanila. Karamihan pa rito ay mababang klase.

Hindi kabilang sa datos na ito ang mga nakapagtapos at makakukuha ng trabahong walang kaugnayan sa natapos nilang kurso, ayon sa IBON Foundation.

Noong 2009 ay 4.3 milyong Pilipino ang walang trabaho. Nadagdagan ito ng 523,000 bagong gradweyt na walang trabaho, batay sa datos noong Enero 2010. **AB**



Barkong may lulang ayuda para sa Palestine, sinalakay ng Israel

Di bababa sa siyam na aktibista ang namatay nang salakayin ng mga komandong Israeli ang anim na barko na nagdadala ng ayuda para sa Gaza, Palestine nitong Mayo 31 habang nasa internasyunal na karagatan. Ang grupo ng mga barko na tinaguriang "Gaza Freedom Flotilla" ay may dala-dalang 10,000 tonelada ng ayudang nagkakahalaga ng \$20 milyon. Kinabibilangan ito ng pagkain, gamot at materyales na pangkonstruksyon tulad ng semento para ayusin ang imprastruktura sa Gaza na winasak ng pambobomba ng Israel.

Prinoyekto ng mga aktibista mula sa iba't ibang bansa na naghahangad ng kalayaan at kapayapaan para sa mga Palestino ang pagdadala ng mga ayuda para maibsan ang hiras na kalagayan ng 1.5 milyong mamamayan sa Gaza na mahigit apat na taon nang nakukulong ng blokeyo ng Israel.



Sakay ng mga barko ang 633 katao mula sa 37 bansa. Kabilang sa mga pasahero sina Nobel Peace Prize laureate Mairead Corrigan, dating UN Assistant Secretary-General Dennis Halliday, at mga parlamentarista mula sa Europe at mga bansang Arabo. Kabilang din ang mga aktibista, unyonista, mamamahayag, akademiko, lider relihiyoso, matatanda, babae at bata.

Ayon sa salaysay ng mga pasahero, bago pa man umakyat sa barko ang mga komandong Israeli, pinapuputukan na nila ang mga ito mula sa mga helikopter. Pagsampa nila, kinumpiska ng mga sundalong Israeli ang lahat ng gamit pangkomunikasyon, mga kamera at *memory card* para hindi maiulat ng mga biktima ang mga pangyayari. Kinuha rin ang lahat ng pera, *credit card*, kompyuter at maging mga personal na gamit ng mga aktibista tu-

lad ng mga damit. Kinuryente at pinagbubugbog ang mga aktibistang nagtangkang humarang sa mga sundalo. Nagtanggol ang mga pasahero gamit lamang ang mga pamalo, kutsilyo mula sa kusina at iba pang bagay na maaaring gawing pananggalang.

Dinala ang mga barko sa daungan ng Ashdod sa Israel, kung saan ibinilanggo ang mga aktibista. Nitong Hunyo 6 lamang pinakawalan ang mga aktibista.

Ang mga napatay ay sakay lahat ng punong barko ng *flotilla*, ang MV Mavi Marmara, na pag-aari ng Turkish na grupong



Foundation for Human Rights and Freedom and Humanitarian Relief (IHH). May sakay itong 581 aktibista, 400 mula sa Turkey. Walo sa siyam na kumpirmadong patay ay mga aktibistang Turkish na pawang binaril sa ulo nang malapitan. Bukod sa mga napatay, may 60 pang aktibistang nasugatan.

Pinangangambahang mas marami pa ang napatay dahil hanggang ngayon ay hindi pa rin matagpuan ang ilan sa mga aktibista.

Ang reyd ay mariing kinundena ng iba't ibang pandaigdigang organisasyon tulad ng UN Human Rights Council at mga gubyrno. Nagbunsod na ito ng malawakang mga rali sa Turkey, Indonesia at iba pang bansang Muslim.

Kaugnay nito, nanawagan na rin ang Palestinian Boycott, Divestment and Sanctions National Committee (BNC) na lumahok sa Global Day of Action kaugnay sa ika-43 taong okupasyon ng Israel sa Gaza Strip at West Bank nitong Hunyo 5.

Kinundena ng International League of People's Struggle (ILPS) ang barbarikong atake sa Gaza Freedom Flotilla bilang krimen laban sa sangkatauhan. Ayon sa tagapangulo ng ILPS na si Jose Ma. Sison, kabahagi ang US at iba pang kanluraning imperyalistang kapangyarihan sa krimeng ito dahil sa walang hanggang pagsuporta nila sa buhong na Zionistang paghahari sa Israel. Naging inutil na ang United Nations sa pagkontrol sa mga krimen sa digma at krimen laban sa sangkatauhan na paulit-ulit nang ginagawa ng Israel. Ayon kay Sison, matatapos lamang ang lahat ng ito sa pamamagitan ng rebolusyonaryong pagwawaksi ng okupasyon ng Israel. Nanawagan ang

ILPS sa mamamayan ng daigdig na suportahan ang makatarungang pakikibaka ng mga Palestino para sa pambansang kalayaan, demokrasya, kapayapaan at mas mabuting buhay.

Kabilang ang mga grupo at organisasyon ng mga Pilipino sa Pilipinas, Hong Kong at Canada sa dumaraming bumabatikos sa pinakahuling krimen ng Israel laban sa mamamayang Palestino. Noong Hunyo 1, naglunsad ng kilos-protesta ang mga kasapi ng Asian Students Association (ASA) at ILPS at iba pang grupong Pilipino sa harap ng Embassy of Israel sa Admiralty Center, Hong Kong. Kanilang ipinawagan ang pagpapalaya sa ilandaan pang mga bihag, pagtigil sa blokeyo sa ekonomya ng Gaza at pagpapanagot sa guberno ni Benjamin Netanyahu ng Israel.

Nitong Hunyo 2, sumugod ang mga aktibista sa embahada ng Israel sa Makati City sa pamumuno ng Bagong Alyansang Makabayan (BAYAN) at nagdaos sila roon ng isang piket-rali. Anila, walang kinilalang anumang batas o sinunod na anumang pandaigdigang patakaran ang Israel nang salakayin nito ang barkong Mavi Marmara.

Sa lunsod ng Marawi, sinunog ng daan-daang kabataan-estudyanteng Moro ang pula, puti at bughaw na bandila ng Israel sa isang rali sa Plaza Cabili nitong Hunyo 5. Nagtipun-tipon ang mamamayang Moro sa panawagang "Bangsamoro Action Against Israeli Terrorism" at dinaluhan ito ng mga kasapi ng Ranaw Youth for Peace and Sustainable Development, United Youth for Peace and Development, Inc., Bangsamoro Center for Just Peace at Cotabato Center for Peace and Development Initiatives, Inc. AB

Walang nirerekut na batang kombatant sa BHB

MARIING pinabulaanan ng Partido Komunista ng Pilipinas (PKP) ang paratang ng Armed Forces of the Philippines (AFP) na nagrerekut ng mga batang mandirigma ang Bagong Hukbong Bayan (BHB). Anang PKP, ito ay walang kabata-batayan at isang paraan lamang para siraan ang BHB sa publiko at sa mga tagapagtaguyod ng karapatang-tao sa bansa at ibayong dagat.

Itinataguyod at ipinagtatanggol ng BHB ang interes ng mga bata alinsunod sa sarili nitong mga alituntunin at mga patakaran ng PKP.

Ayon sa PKP, sa aktwal ay karamihan ng mga batang binansagan sa ulat ng AFP na mga batang mandirigma ay mga biktima ng pang-aabuso ng AFP laluna sa mga operasyong militar nito sa kanayunan.


Ihinalimbawa ng PKP si Grecil Buya, isang siyam na taong gulang na estudyante na pinaslang ng mga sundalo ng 101st Bde sa New Bataan, Compostela Valley habang nag-ooperasyon noong Marso 31, 2007. Nagtanim pa ang mga sundalo ng M16 sa tabi ng bangkay ni Grecil bago siya kunan ng litrato para paniwalain ang publiko na isa siyang batang mandirigma ng BHB. Pinabulaanan sa mga imbestigasyon ng Commission on Human Rights at iba pang grupo ang paratang ng AFP.

Ihinalimbawa din ng PKP ang kaso ni Michelle Adelantar, isang 17-taong gulang na babaeng iligal na inaresto ng AFP noong Pebrero 3 sa San Jose de Buan, Samar dahil kombatant daw siya ng BHB. Hawak pa rin siya ngayon ng Department of Social Welfare and Development, talibas sa kagustuhan ng kanyang mga kamag-anak.

Noong Hunyo 1999 ay iligal na inaresto ng mga sundalo si Joel Silvestre, isang 13-taong gulang na bata mula sa Matuguinao, Samar na may kapansanan sa pag-iisip. Sinamantala ng mga sundalo ang kapansanan ni Joel para maisama siya sa mga operasyong militar. Pinagdala siya ng baril at pinagturo ng mga tagasuporta umano ng BHB. Hinikayat din ng militar ang midya na kunan siya ng litrato at bidyo, na labag sa sariling batas ng reaksyunaryong gubyerno.

Nilinaw ng PKP na patuloy na pinagbabawalan ng AFP na pumasok ang mga kinatawan ng United Nations at iba pang independyenteng grupo sa mga sonang gerilya para hindi nila makita ang mahigpit na pagtalima ng BHB sa patakarang nagbabawal sa pagrerekut ng mga batang mandirigma at masaksihan kung papaano itinataguyod ng rebolusyonaryong kilusan ang kapakanan ng mga bata.

Ang AFP ang pangunahing lumalabag sa karapatan ng mga bata. Ayon sa ulat ng United Nations Children's Fund (Unicef) noong 2007, umabot sa 215,233 bata ang nabiktima sa mga operasyong militar ng AFP. Kabilang dito ang mahigit 215,060 batang biktima ng sapilitang pagpapalikas. Di bababa sa 58 bata ang napatay at 58 pa ang pinagtangkaang patayin ng militar. Sampung bata rin ang dinukot, 40 ang pinilay, 17 ang tinortyur, walo ang ginahasa at biktima ng sekswal na harassment, 51 ang biktima ng iligal na panghahalughog, 63 ang biktima ng koersyon, 69 ang biktima ng iligal na pang-aaresto at detensyon, 40 ang biktima ng pambubugbog at 196 ang biktima ng pagbabanta at pananakot. May 106 ding mga bata ang naulila at nakasaksi sa pagpatay sa kanilang mga magulang at kamag-anak. AB


**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Taon XLI Blg. 11
Hunyo 7, 2010
www.philippinerevolution.net

Editoryal

Papel ng US sa pagluluklok at paghahari ni Aquino



Malaki ang naging interes at papel ng imperyalismong US sa nagdaang reaksyunaryong eleksyon sa bansa. Nanghimasok ito nang husto upang maging “kapani-paniwala” ang resulta ng eleksyon at maiupo sa poder si Benigno “Noynoy” Aquino III. Asahang sasandal nang husto ang bagong pinunong tuta sa kapangyarihan ng US laluna’t mahina ang tuntungan niya sa poder. Kapalit nito ang ibayong panghahimasok sa pulitika at militar ng US, ang paglaki ng papel nito sa kontra-rebolusyon at pagsasakatuparan ng mga idinidikta nitong patakaran sa pinansya at ekonomya.

Tulad sa iba pang malakolonya nito, may mahaba nang kasaysayan ang pakikialam ng US sa eleksyon at pulitika ng Pilipinas. Partikular na itinuring ng US na krusyal ang nakaraang eleksyon para sa istabilidad ng naghaharing sistema at mga interes nito sa bansa sa harap ng pagbayo rito ng matinding krisis. Nais ng US na magsilbi ang eleksyong 2010 sa pagkontrol at pagpapahupa ng sumisidhing tunggalian ng mga nagriribalang pangkat ng mga naghaharing uri. Kinasangkapan din ito upang mapahupa ang patuloy na lumalawak na pagkadismaya at paglaban ng mamamayan sa naghaharing sistema at lumikha ng ilusyon ng “panibagong pag-asa.”

Tungo rito, itinulak ng US ang pagsasakatuparan ng *automated election system* (AES o ang paggamit ng mga kompyuter sa pagbibilang ng mga boto). Sa pamamagitan nito, anumang manipulasyon o dayaan ay maisasagawa nang mas pulido at mahirap mapatunayan. Binibigyan nito ang US ng pagkakataon upang epektibo ngunit lihim at tusong impluwensyahan ang resulta ng eleksyon. Pinalalabas ng matataas na upisyal ng US na ang ganitong sistema ng eleksyon ay napakaepektibo at mahirap kwestyunin.

**Mga tampok sa
isyung ito...**

**Panagutin si Arroyo -
NDFP**

PAHINA 3

**Kaso ng Morong 43,
idinulog sa UNHR**

PAHINA 7

**Barkong sibilyan,
sinalakay ng Israel**

PAHINA 10

Mga instruksyon sa paglilimbag

1. Ang **sinundang pahina**, na eksaktong kopya ng pahina 1 maliban sa mas mapusyaw ang *masthead* o *logo* ay para sa mga gumagamit ng *mimeo machine* o naglilimbag sa paraang *v-type*. Dinisenyo ito para hindi madaling makasira ng istensil.

2. Pag-*print* sa istensil:

- a) Sa *print dialog*, i-check ang **Print as image**
- b) Alisin ang *check* sa **Shrink oversized pages to paper size**
- k) I-click ang **Properties**
- d) I-click ang **Advanced**
- e) Tiyaking naka-set sa **100%** ang **Scaling**
- d) Ituloy ang pag-*print*

3. Hinihikayat ang mga kasama na ipaabot sa patnugutan ng *AB* ang anumang problema kaugnay ng paglilimbag sa pamamagitan ng *v-type*. Magpadala ng *email* sa *angbayan@yahoo.com*